

Oahppoplána

## **Bachelorbargu**

SÁM 213

10 oahppočuoggá



## 1. Oahpu namma

Sámegillii: Bachelorbargu  
Dárogillii: Bacheloroppgave  
Eaŋgalasgillii: Bachelor thesis

## 2. Oppalaš dieđut oahpu birra

**Oahpu koda:** SÁM 213  
**Dássi:** Bachelor, čiekŋudeapmi  
**Viidodat:** 10 oahppočuoggá  
**Galli lohkanbaji badjel:** 1  
**Oahpu lágideapmi:** Oahpahus lágiduvvo neahttaoahpahussan.

## 3. Oahpu gullevašvuohta

Sámegiela ja sámi girjjálašvuođa bachelorprográmma.

## 4. Sisabeassangáibádusat

- Dábalaš sisabeassangáibádusat alitoahpahussii. Sisabeassanvuoddu sáhtá leat juogo oppalaš lohkanbolašvuohta (čadahan joatkkaskuvlla/logahaga) dahje realagelbolašvuohta. Oppalaš lohkanbolašvuođa gáibádusat olgoriikka ohcciide bohtet ovdan NOKUTa GSU-listtus.
- Sámeielmáhttu
- Čadahan 60 oč sámegiela ja sámi girjjálašvuođa bachelorprográmma fágaoahpuin dahje vástideaddji oahpuin.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan 2, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđaaigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámeigiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuohta man dási gelbbolašvuohta ohccis lea, de ášši ovddiduvvo fágalaš árvvoštallamii ja meannuduvvo dán vuodul.

## 5. Oahpahus- ja eksámengiella

Davvisámegiella.

## 6. Sisdoallu

Studeanta čállá sámegillii dieđalaš dutkanbarggu fáttás, man lea válljen ovttrasáđiid nammaduvvon bagadalliin sámegiela dahje sámi girjjálašvuoda čiekŋudanfáttáid siskkobealde. Čállinbarggu vuodđun lea dutkanplána, man bagadalli lea dohkkehan.

OAHPPAN- JA OAHPAHUSVUOGIT:	BARGONOADĐI:
Seminárat (3) ja bagadallan	50 dii.
Girjjálašvuhtii oahpásmuvvan ja lohkan (1000 s.)	100 dii.
Čállinbargu (15 siiddu)	100 dii.

## 7. Oahppanjoksosat

Oahpu čađaheami maŋŋel lea studeanta oľahan čuovvovaš oahppanjoksosiid:

Studeanta

- máhtta hábmet dutkangažaldaga(id) ja dutkanplána
- máhtta oĥcat, ordnet ja guorahallat iežas dutkanfáddái guoski dieđu
- máhtta ovdanbuktit čálalaččat ja njálmmálaččat dieđu mii laktása dutkanfáddái
- máhtta čállit dutkanbarggu mii čuovvu dieđalaš čállima iešvuodaid
- dovdá dieđalaš dutkama ja ovdabuktima vuodđoprinsihpaid, bargovugiid ja etihka.

## 8. Oahpahan- ja oahppanvuogit

Logaldallamat, bagadallan oktagaslaččat ja bagadallanseminárat. Studeantta iehčanas bargan.

## 9. Gáibádusat beassat eksámenii

Studeanta sáhtta čálligoahtit bachelorbarggu go bagadalli lea dohkkehan dutkanplána ja lohkanmeari evttohusa.

Bagadalli bidjá áigemeari, goas dutkanplána ja lohkanmearri galget buktojuvvot dohkkeheapmái.

Studeanta galgá oassálastit aktiivvalaččat golmma oktasaš bagadallanseminárii: ovdanbuktit iežas barggu ja opponeret unnimusat ovttá mielstudeantta barggu.

## 10. Eksámen

Eksámen lea oktagaslaš bachelorbargu. Dat galgá leat 12–15 siiddu viidosas (24000–30000 mearkka) ja hábmejuvvon dieđalaš čállinprinsihpaid mielde.

Árvosátni bachelorbarggus addojuvvo ECTS vuogádaga mielde, mas A lea buoremus árvosátni ja E lea vuolimus ceavzinárvosátni. Árvosátni F mearkkaša ahte ii leat ceavzán.

## **11. Leago privatisttain vejolaš váldit dan oahpu?**

Oahppoovttadaga lea vejolaš váldit privatistan.

## **12. Kvalitehtasihkkarastin**

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain leat árvvoštallat Sámi allaskuvlla oahppofálaldagaid ja bálvalusaid kvalitehta. Studeanttain lea geatnegasvuohta searvat árvvoštallamiidda mat leat oassin kvalitehtasihkkarastinvuogádagas.